

**Qitornavut pitsaasumik inuiaqatigiinni innuttaaqataalernissaasa pingaaruteqarnerat pillugu perorsaalernissarput qanoq oqallisiginerulersinnaaneripput pillugu apeqquteqaat allaavigalugu oqallinnissamik siunnersuut.**

(Inatsisartunut ilaasorta, Nivi Olsen, Demokraatit)

**Akissuteqaat**

(Isumaginninnermut, Ilaqutariinnut, Naligiissitaanermut Inatsisinullu Atuutsitsinnermut Naalackersuisoq)

Meeqqanut perorsaaneq, perorsaariaatsillu pitsaasut pillugit Nivi Olsen-p oqallinnissamut siunnersuutaanut Naalackersuisut qujassuteqarput.

Naalackersuisut suleqatigiinnissamut isumaqatigiissutaanni 2016-2018-mi soorlu takuneqarsinnaasoq, Naalackersuisut meeqqat inuusuttullu toqqissisimasuunissaat, imminut tatigisuunissaat imminnullu ataqpeqatigiinnermik takutitsinissaat anguniarpaat. Ilutigalugu Naalackersuisut isumaqarput inuiaqatigiit tamarmiulluta inuulluataarnissatsinnut, tarnikkut timikkullu ilaqutariinni peqqissuunissatta, inuiaqatigiinnilu attaveqarfigisatsinnut tunniussaqaarnissatsinnut akisussaaqatigiittugut. Tassani aalajangiisuusaaq angajoqqaat meeqqamik perorsarneqarneranut akisussaaffimmik tigusinissaat kiisalu, inersimasut tamatta maligassiuisuulluarnissarput.

Ilutigaluguttaaq pingaaruteqarpoq eqqumaffigissallugu, perorsaaneq iluatsilluassappat angajoqqaat meeqqallu peqqissuunissamut toqqissisimasuunissamullu tunngaviusumik pisariaqartitat ilaqutariinni atuunnissaat. Taamaattumik ilaqutariit aningaasaqarnikkut tunngaveqartariaqarput ineqarnermut, inuussutissanut allanullu tunngaviusumik pisariaqartitanut akilersuinissamik periarfissaqarlutik. Tamanna ilaatigut peqqutaalluni Naalackersuisut ersarissumik anguniarpaat inuiaqatigiit atukkatigut naligiinnerusumik atugassaqartinneqalernissaat, takuuk Suleqatigiinnissamut isumaqatigiissut 2016-2018.

Tamakku saniatigut angajoqqaarpoq annertunerusumik ikorfartorneqarlutik, angajoqqaatullu siunnersorneqarlutik ilitsersorneqarnissamik pisariaqartitsisunik. Taamaattumik angajoqqaanngortussat tamarmik neqeroorfigineqartarput angajoqqaanngornissamut piareersaataasumik pikkorissarnissamik MANU-mik taaguutilimmik, Peqqinnissaqarfiup ataanit neqeroorutigineqartumik. Ilinniartitsinnermi ukkatarineqartarput angajoqqaat qanoq iliorlutik meeqqamut inoorlaamut qanilaartumik attaveqarluarsinnaanissaat. Ilinniartitsineq aamma periarfissiivoq, angajoqqaanngortussat imminnut qanoq angajoqqaatut isiginerlutik eqqartuinissaminnut. Ilutigalugu Peqqinnissaqarfiup paasisitsiniutitut ivertinnikuuaa ”inuusuttuuneq pakkutsigu”. Paasisitsiniutip ukkataraa angajoqqaat meeqqamik ilaginissaannut kiisalu, meeqqamik oqaloqatiginissaannut akisussaaffeqarnerat, taamaalillutik meeqqat peqqissuunissaat annertunerusumik qulakkeersinnaassallugu. Uiggiullugu suliniutip NAKUUSA-p,

Naalakkersuisut UNICEF Danmarkillu suleqatigiiffigisaata, nuna tamakkerlugu angajoqqaatut akisussaaffik pillugu paasisitsiniutit aallartinnikuuat.

Inatsisartut upernaakkut 2017 ataatsimiinneranni Naalakkersuisut Meeqqat tapersorneqarnissaat pillugu inatsisissatut siunnersuummik saqqummiussaqaarput. Inatsisissatut siunnersuummi ilaatigut siusissukkut iliuseqartarnej kiisalu pitsaaliuineq ukkanneqaarput, tassani qulakkeerumallugu ilaqutariit pisariaqartitsisut ikorfartorneqarlutillu nukittorsarneqarnissaat, taamaalilluni meeqqat angerlarsimaffiup avataanut inissinneqartartut ikilisikkumallugit.

Taamatut oqaaseqarlunga Naalakkersuisunit kissaatigaarput meeqqanut perorsaaneq, inuiaqatigiinnilu meerartatsinnut akisussaaffeqaarnerput pillugu tamatta oqallilluarumaartugut.